

La basa professiunala ei dada

A Glion ha la fiasta da diplom dalla Scola professiunala giu liug

■ (anr/ac) Il vendergis vargau han 64 emprendistas ed emprendists astgau retscheiver il diplom dalla Scola professiunala industrialia ella aula dalla casa da scola da Glion. Els han terminau ils examens finals cun success. A caschun dalla fiasta da diplom dalla Scola professiunala han emprendistas ed emprendists astgau retscheiver las gratulaziuns ton dalla vart dil menader dalla scola sco era da scolasts, patruns, parents e geniturs. Dalls 70 emprendistas ed emprendists separticipai als examens finals han 64 terminau quels cun success. Per il menader dalla Scola professiunala, *Casimir Schmid*, in mussament ch'ils examens finals d'emprendissadi restan ina sfida. Las gratulaziuns ein era vegnidas dil directur dalla Uniun grischuna d'artisanadi e mistregn, *Jürg Michel*. El ha rendiu attent agl ault nivel ed alla muntada dalla scolaziun professiunala en Svizra. Tenor sias explicaziuns gauda quella scolaziun, absolvda da duas tiarzas dalla giuventegna svizra, ina aulta reputaziun. «Ell'Europa essan nua claremein la numera in, sin palancau internaziunal sesanfla la scolaziun professiunala svizra sil tierz rang.» Jürg Michel ha paregliau quella scolaziun cun ina matura. Pertuccont la scolaziun gimnasiala ha el visau alla buna savida generala da maturandas e maturands. Als absolvents digl emprendissadi attribuescha Jürg Michel ina aulta competenza sociala neu dalla collaboraziun en in menaschi e fundadas enconuschentschas buca sulet ella singula clamada, mobein ella funcziun dil menaschi.

Prognosticau in bien futur

Allas novas specialistas e specialists professiunals ha il president dalla Uniun grischuna d'artisanadi e mistregn prognosticau in bien futur. El ha intimau diplomadas e diplomai da buca schar pender il tgau, havessen las perspectivas professiunals inaga buca dad esser ton empermettentas. Las midadas structuralas ed econo-



Il menader dalla Scola professiunala a Glion, *Casimir Schmid* (dretg), ha surdau il vendergis vargau ils diploms. En quei cass a *Cyrill Hirzel* (sen.) da Laax. El ha gest terminau igl emprendissadi ed ils examens finals sco miradur.

FOTO A. CADONAU

micas pretendan dil carstgaun ella veta professiunala da s'adattar a novas sfidas. Il meglier mied per s'adattar ei, tenor Jürg Michel, la promptada da seperfectuar ella clamada. «Murir cun 20 onns e vegnir satraus cun 70 onns ei negina perspectiva.» La fiasta da diplom ei vegnida enramada musicalmein da *Nina e Mattiu Defins*, scolars dalla Scola da musica Surselva. Il substitut dil meinascola, *Christoph Schmeller*, ha tgamunau la fiasta ed igl apuro ha l'Uniun da dunnas da Glion surviu.

Diplomadas e diplomai e lur interpresa d'emprendissadi Miradurs

Benedict Albin, Mustér (Berther SA, Mustér). Rue-

di Babst, Luven (Schmid Richard SA, Glion). Thomas Buchli, Valenda (Bobag SA, Valenda). Franco Caderas, Luven (Casutt, Caviezel e Sgier, Glion). Elia Derungs, Glion (Caprez Bau SA, Glion). Sascha Di Fini, Laax (Andrea Pitsch SA, Flem). Silvan Dietrich, Siat (Erni SA, Flem). Dario Hess, Rueras (Strabag SA, Sedrun). Cyrill Hirzel, Laax (Erni SA, Flem). Wanja Raffael Jakob, Andiastr (Valaulta Berni SA, Rueun). Gabriel Jörgler, Val (Bernimänner SA, Val). Flavian Kroll, Sedrun (Strabag SA, Sedrun). Granit Maralushaj, Rabius (Beer SA, Rabius). Fabio Tuor, Breil (Beer SA, Rabius).

Scrinaris

Robin Balett, Breil (Scrinaria Moggetti, Rabius). Franco Caminada, Vrin (Scrinaria Alig, Vrin). Fabian Cathomas, Cumpadials (Frars Maisen SA, Trun). Franco Cavegn, Valenda (Scrinaria Cavegn, Vella). Ursin Decurtins, Rabius (Bearth SA, Rabius). Damian Deplazes, Breil (Scrinaria Carigiet, Tavanasa). Patrick Grieder, Luven (Scrinaria

Ladner, Domat). Manuel Juon, Tenna (Scrinaria Clopath, Razen). Franco Manetsch, Mustér (Frars Berther SA, Rabius). Curdin Petschen, Mustér (Scrinaria Flepp SA, Mustér).

Electricist multimedia

Flavian Cavegn, Breil (arco radio tv, Laax). Cun la nota 5,3 il sulet emprendist el rang.

Mecatronicher d'automobil

Marco Bearth, Rabius (Garascha Spescha SA, Glion). Gabriel Caderas, Ruschein (Auto Derungs SA, Glion).

Specialist d'automobil

Remo Kammermann, Rueun (Garascha Spescha SA, Glion). Luca Sestito, Tavanasa (Garascha Pino, Tavanasa).

Vernischader da carrossaria

Flavio Filli, Mustér (Garascha Pino, Tavanasa).

Tecnologa e tecnolog da stampa

Catrina Caminada, Sursaiusa (Stampa Casutt SA, Cuera). Sascha Solèr, Vrin (Spescha e Grünenfelder, Glion).

Installatur electronic

Simon Blumenthal, Vella (Alpiq SA, Vella). Orlando Cabalzar, Lumbrein (Erwin Vincenz SA, Laax). Simon Casanova, Vella (Electro Cadruvi SA, Glion). Daniel Cavaleiro, Mustér (Electro Cadi SA, Mustér). Flurin Cristani, Danis (Alpiq SA, Glion). Sandro Derungs, Rueun (Electro Livers, Schluen). Sandro Derungs, Surcasti (Alpiq SA, Glion). Primin Flepp, Mustér (Electro Badus SA, Mustér). Silvan Giger, Platta (Alpiq SA, Glion). Kevin Lechmann, Rabius (Alpiq SA, Glion). Julian Monn, Sedrun (Energia Alpina, Sedrun). Tino Schmed, Breil (Alpiq SA, Breil). Angelo Vincenz, Mustér (Alpiq SA, Glion).

Bestger

Livio Albin, Glion (Revier forestal Sursaiusa). Luciano Berther, Rueras (Uffeci forestal Tujetsch). Adrian Huonder, Mustér (Uffeci forestal Mustér). Tobias Spescha, Rueun (Revier forestal Rueun).

Installatur da scaldaments

Manuel Cabernard, Dardin (Casatec SA, Mustér). Gieri Decurtins, Trun (Caduff SA, Vattiz). Damian Janka, Sursaiusa (Oscar Caduff, Cumbel).

Tenercasa

Sereina Camenisch, Castrisch (Asil da vegls e da tgira, Glion). Romina Derungs, Surcasti (Clausra da Glion).

Fravi

Alexander Caderas, Ruschein (Cavegn e Jenzer SA, Glion).

Pictur

Robin Caviezel, Laax (Candinas Norbert, Glion). Severino Giger, Curaglia (Gion Albin SA, Mustér).

Polymecanist constructur

Nicolas Tomaschett, Rabius (Distec SA, Mustér). Micha Volken, Dardin (Distec SA, Mustér).

Polymecanist

Emanuel Manetsch, Mustér (Distec SA, Mustér).

Installatur sanitar

Marcel Cabalzar, Cumbel (Oscar Caduff, Cumbel). Fabio Manetsch, Danis (Casatec SA, Mustér).

Lennari

Martin Alig, Vrin (Alig & Co, Vrin). Livio Deplazes, Rabius (Bearth SA, Rabius).

Dil runal solar entochen tier la creaziun dad in töf

La Scola professiunala a Glion expna lavurs da diplom

■ (anr/ac) Enteifer la formaziun generala ston emprendistas ed emprendists seprofundar e s'exprimer a scret davart ina tematica. *Flavian Krol* e *Dario Hess* han buca sulet scret, els han creau. La Scola professiunala industrialia a Glion expna entochen ils 30 da settember diversas lavurs da diplom. Cun quell'exposiziun ell'entrada dallas atgnas localitads vul la scola porscher investa en ina part dalla formaziun generala d'emprendistas ed emprendists. Las lavurs da diplom tractan diversas tematicas dalla veta grischuna e sursilvana. Davos quellas lavurs stat in grond engaschi personal dils scolars. *Martin Alig* da Vrin ei, per exempel, sefatschentaus cun la fusiun dallas vischnauncas lumnezianas, siu collega *Manuel Juon* da Tenna ei sedumandaus pertgei che Tenna baghegia in runal solar. *Flavian Cavegn* da Breil ei seprofundaus ell'influenza dils smartphones ella veta sursilvana e *Sascha Solèr* da Vrin ha registrau las midadas enteifer l'industria grafica el cantun Grischun. Lur lavurs ed aunc autras ein exponidas ed envidan da prender investa. Medemamein la lavur dils dus emprendists da miradur, *Dario Hess* da Rueras e *Flavian Krol* da Sedrun. Els han buca sulet scret, els han creau ina moto made enta Tujetsch. Ella garascha purila dil bab da Dario Hess han ils dus miradurs dau ad in moto d'ocasiun in cumplet niev maletg. La tocca per la remedura han els retratg digl internet. Autruisa eis ella strusch recaltgaba.

Sbassar il diever da benzin

Certas premissas han ils dus amatur da motos tuttina giu d'ademplier. E quei pertuccont tener quen allas investi-

ziuns, scaffir ina maschina che survegn la lubientscha dalla controlla da vehichels e sbassar il consum da benzin dil motor. Tuttas treis incumbensas han ils

dus emprendists pudiu ademplier e lur maschina fa part dall'exposiziun els stabiliments dalla Scola professiunala a Glion. La nova cumparsa dalla moto ei

il resultat dad ina investiziun da 1500 francs e da 50 uras da lavur e sa vegnir acquistada. La lavur ei documentada a scret e Dario Hess e Flavian Krol han buca sulet fatg igl emprendissadi ella medema fatschenta. Els scrivan da s'enconuscher dapi il temps da scoletta. Via ballapei e la musica han ils dus giuven anflau lur pissiun per las maschinas sin duas rodas. Els san senz'autoer s'imaginar da far ord quella pissiun ina nova clamada, malgrad da gest haver acquistu il diplom da miradur. Probabel ston els encurir ina nova garascha sch'il plan da continuar havess da vegnir realisau. Il bab da Dario Hess quenta buca da schar il Muli pli gitg ella plievgia e surschar il suttetg alla creaziun da motos.

Casimir Schmid, il rectur dalla Scola professiunala, ha tschintschau dad ina premiera en veta dalla lavur dils dus Tuatschins. Las lavurs da diplom creadas enteifer la formaziun generala retscheivan duas notas, ina per la lavur scotala, tschella per la presentaziun. Omisdus notas ensemen fuornan circa ina tiarza dalla nota finala. Ei la lavur scretta per tudestg vegn ella presentada per romontsch e cuntrari. Per lur maschina han Flavian Krol e Dario Hess retschert in da sis e per presentar la lavur in 5,5. Ed en tgei direcziun ch'ils siemis dils dus giuven sedrezzan muossa lur exposiziun. Carrar cun atgnas creaziuns sin duas rodas tras ils Stadis Uni.



Part dalla exposiziun dad ina schelta dallas lavurs da diplom dad emprendistas ed emprendists. *Dario Hess* e *Flavian Krol* cun lur atgna creaziun. Entochen ils 30 da settember resta l'exposiziun aviarta.

FOTO A. CADONAU